

Jen Būreejtōn
Dieter F. Uchtdorf

Rikakpilōklōk eo Kein Karuo
ilo Būreejtonji eo Kein Kajuon



Juon Ennaan n̄an Mijenede eo Epere

Rikaḷoor ro an Jisōs Kraist kar iien otemjej eddo n̄an bōkḷōk kōjpeḷ eo An n̄an aolepān laḷ (lale Mark 16:15–16). Mekarta, jet iien epen n̄an kōpeḷḷōk loḅnid im kōnono kōn tōmak eo ad n̄an ro peḷaakid. Ilo an jet membōr in Kabuñ in wōr ip-pāer maroñ eo n̄an kōnono n̄an ro jet kōn kabuñ, ro jet ewōr jidik āliklik ak maroñ eñjake japde, jook, ak eḷool mijak n̄an kōmḷman āindein.

Kōn un in, Ikōḅnaan elmakote emen men ko me jab-dewōt emaroñ kōmḷmani n̄an ḷoor ijitōñ eo an Rilōmḷḷor n̄an kwaḷōk kōn kōjpeḷ n̄an aolep armej otemjeḷōk (D&C 58:64).

Erom juon Meram

Juon jabōn kōnnaan eḷḷman ippa emmakijkij an iḷkḷōk St. Francis j̄an Assisi ej kōnono, “Kwaḷōk kōjpeḷ eo ilo aolep iien im eḷaḅñe emenin aikuj, kōjerbal naan ko.”¹ Jabōn kōnnaan in ejjab kanooj kalikkare ak ej meḷeḷe in bwe kwaḷōk ko rekajoor tata rej jab kōnono kaki.

Ñe ewōr ḷool ippād im jej mour aolep iien kōn joñok ko ad, armej rej kile. Eḷaḅñe jej kwaḷōk n̄an ro jet lañlōñ im ḷōḅḅōḅ, rej kile eḷapḷōk.

Aolep rekōḅnaan ḷōḅḅōḅ. Eḷaḅñe kōj membōr ro an Kabuñ in jej kajedeed meram eo an kōjpeḷ eo, armej remaroñ lo ad ḷōḅḅōḅ im eñjake iakwe eo an Anij

ekobrak im lutokleplep ilo mour ko ad. Rej kōḅnaan jeḷā etke. Rej kōḅnaan meḷeḷe ekōjkan ad bōke.

Ekōmḷman bwe ren kajjitōk kajjitōk ko āinwōt “Etke komḷ kanooj ḷōḅḅōḅ?” ak “Etke komḷ iien otemjej ewōr juon ami ḷwil eḷḷmaan?” Uwaak ko n̄an kajjitōk kein, aaet, ejejjet aer tōl ḷōk n̄an juon kōmḷḷao kōn jeḷḷaaktok eo an kōjpeḷ eo an Jisōs Kraist.

Erom Ribwebwenato

Bōklōñtak unin kōnono eo kōn kabuñ—eḷaptata n̄an ro ḷōttad im ro rejitenbōro—maroñ alikkar aer mijak ak edik aer lōke. Ejjab aikuj āindein. Kwaḷōk eñjake ko ilo jetōb ak kōnono kōn makūtḷūt ko an Kabuñ in ak makūtḷūt ko ilo iien kōmḷḷao bajjōk emaroñ kapido-doik im kaḷōḅḅōḅ eḷaḅñe jej kōjerbal jidik peran im jokkuun wōt juon.

Lio pāleeō, Harriet, ej juon waanjoñak eḷḷmaan kōn menin. Ke kōm kar jokwe ilo Germany, ekōn pukōt juon wāween n̄an bōklōñtak unin ekōnono ko kōn Kabuñ in n̄an iien kōmḷḷao ko an ippān ro ḷōttan im ro ejeḷā kajier. N̄an waanjoñak, ñe ewōr juon ej kaj-jitōk kōn ta eo enaaj kōmḷḷane ilo jemḷōkin wiik eo, ekōn ba, “Jabōt in, ewōr juon am eñjake ekaitoktok limo ilo imōñ jar eo am! Juon likao 16 iiō dettan eaar kwaḷōk juon ennaan eo eaiboojoj im̄aan mejān 200 armej ilo jarlepju eo am kōn mour juon mour erreō.”

Ak, "Ikar katak kōn juon kōrā eo 90 an iiō, eo eaar kiiij elōñļok jen 500 kqoj ko im lilok nān būrokraam eo an Church humanitarian nān jilkinļok nān armej ro raikuj aolep laļ in."

Ilo aolep jekjek ko, armej ro rej roñ kōn menin nān kōṅaan jeļā eļapļok. Rej kajjitōk kajjitōk ko. Im menin ej tōl ļok nān iien ko remṅman nān kōnono kōn kōjpeļ eo ilo juon wāween eo emṅman, lōke, im juon wāween eo ejjab nana nān ro jet.

Jen iien eo kar ejaake Intōrnet im media ko jet, epidodoļok rainin nān kōnono kōn men kein ilo juon wāween kōmṅmao emṅman jen mokta. Ta jej aikuji ej peran eo nān kōmṅman āindein.

Obrak kōn Jouj

Ekabūromōjmoj, elukkuun pidodo nān jab errā. Emākijkij an waļok nē jej akweeļ, kōnanaik, im liaakeļok. Nē jej illu, emmōlkaro, ak inepata ippān armej, men eo āliktata rekōṅaan ej nān katak eļapļok kōn kōj. Epen nān jeļā jete armej raar ilok jen Kabuñ in ak kar jab kobatok kōnke ewōr juon ekar ba jet men ko rekōmetak ak kalel er.

Elukkuun ļap laļ ilo laļ in rainin. Kōnke armej remaroñ jeje ilo intōrnet ilo an ro jet jab jeļā wōn eaar jeiki, epidodoļok jen mokta nān ba men ko rekōmetak ak kalel il online. Jaikuj ke, rikaļooran ro rekōjatdikdik an ad Kraist emṅman, ewōr joñak eutieļok, eļapļok aer jouj? Jeje ko Rekwojarjar rej katakin, "ami kōnono, iien otemjej ilo jouj, im en emōj jōqle, bwe komwin jeļā kōjkan emṅman ami uwaak armej otemjej" (Kolosse 4:6).

Emṅmaan ippa ļōmṅak eo bwe naan ko ad ren erre eo āinwōt mejatoto eokmāṅān im obrak kōn tiriamō. Kōmaroñ ke kejokļokjen mōk ta baamle ko ad, ward ko, laļ ko, im barāinwōt laļ erom āinwōt ta eļāñne jenaaj kōkajririik katak in epidodo?

Obrak kōn Tōmak

Jet iien jej bōk iood make eļap nōbar ak eļap jekpen ṅae nē ej itok nān an ro jet bōk kōjpeļ eo. Eaorōk nān kememej bwe Irooj ejjab kōtmāne jen kōj nān kōmṅmane oktak eo.

Oktak ejjab itok kōn naan ko ad bōtaab kōn waļok tok ko an lañ ko an Jetōb Kwojarjar. Jet iien men eo dein jaikuj kōmṅmane ej juon ennaan kōn naan in

kaṅool eo ad ak kōn juon iminene eo ej kōkṅmanṅman bōro ak kōpellōk juon kōjām me emaroñ tōl ro jet nān eñjake mool ko kōn imwe ko an Jetōb Kwojarjar.

Būreejtōn Brigham Young (1801–77) ekar ba ejeļā bwe kōjpeļ eo eaar mool ke eaar "lo juon emṅmaan ejaje kōnono, ak kapeel ko nān kōnono loṅleļ, eo emaroñ ba wōt, 'Ijeļā, kōn kajoer eo an Jetōb Kwojarjar, bwe Bok in Mormon ej mool, bwe Joseph Smith ej juon rikanaan an Irooj.'" Būreejtōn Young ekar ba ke ej roñ naan in kaṅool eo etta, "Jetōb Kwojarjar ar waloktok romelok meļeļe eo aō, im meram, aiboojoj im mour jab wabanban [rekar] pād imaō."²

Ro jeiū im jatū, komin tōmak. Irooj emaroñ kōkṅmanṅmanļok naan ko kwoj kōnono kaki im kōkajooriļok. Anij ejjab kajjitōk ippān nān oktak ak ijjeļok nān kōpeļļok ļoñim. Jerbal in oktak ejjab am—ej an armej eo ej roñjake im nān Jetōb Kwojarjar.

Aolep Membōr ej juon Mijenede

Ro moṭta jitenbōro, rainin elōñļok wāween ko jen moṅkta nān kōj nān kōpellōk loñid im kwaļok nān ro jet nuuj ko relemōṅōṅō an kōjpeļ eo an Jisōs Kraist. Ewōr juon iaļ nān aolep—barāinwōt mijenede eo eperē—nān bōk koṅaan ilo jermal in eļap. Jemaroñ kajjojo pukōt juon wāween nān kōjermal tōļan ko ad make im itoklimo ko ilo rejtake jermal eo eļap nān kobrak laļ in kōn meram im mool. Ilo ad kōmṅman āindein, jenaaj lo lañlōñ eo me ej itok nān ro eļap aer tiljek im bwe peran ippāer "nān jutak āinwōt ri kaṅool ro an Anij ilo aolep iien ko" (Mosaia 18:9).

KAKEMEMEJ KO

1. St. Francis of Assisi, in William Fay im Linda Evans Shepherd, *Raar kwaļok Jesus ilo ejjeļok* (1999), 22.
2. *Teachings of Presidents of the Church: Brigham Young* (1997), 67.

KATAKIN JĀN ENNAAN IN

Juon wāween ejejjet nān katakin ej nān "kōketak ro kwoj katakin er nān kōmṅman . . . kōtōpar ko me remaroñ jipañ er mour kōn pedped eo kwaar katakin" (*Teaching, No Greater Call* [1999], 159). Ļōmṅak in karuwaineneik ro kwoj katakin er nān jar ilo kōmṅmane juon kōttōpar nān kwaļok kōjpeļ eo ippān juon ak elōñļok armej ilo allōñ in. Ro jinen im jemān remaroñ kōnono kōn wāween ko ajri ro remaroñ jipañ. Komaroñ jipañ barāinwōt ro uwaan baamle eo tipidikiļok

ak waanjoñaki wāween ko ñan kwaļok kọjpeļ eo ilo iien bwebwenato ko im ļōmņak kōn mākūtūt ko an Kabuñ in rej pojān kōmņan me remaroñ karuwaine-neik juon mōttaer.

JODIKDIK RO

Kwaļok ippān juon Mōttam

Jen Adriana Vásquez

Juon raan ke iaar ekkatak jān kūlaaj in seminary eo Jaō, eaar wōr juon eñjake eaiboojoj im jenļok. Ke iaar riiti katak eo ñan raan eo juon, lkar lo turin mejān juon mōtta jen jikuuļ im ewōr juon eñjake ekajoor bwe laikuj kwaļok naan in kaņool eo aō ñan e.

Kōjekdōon alikkar eo an eñjake in, lkar mijak. lkar inepata bwe eo mōtta emaroñ kōjekdōon eō, eļaptata kōnke ejjab kain leddik rōt eo me enaaj itok limoin ilo kobatok ilo Kabuñ in.

Iaar reilikļok im ļōmņak ñan juon kōnono jen Sister Mary N. Cook jen būreejtōnji eo eutiejan Douluļ eo an Jiroñ ro me eaar kōketak kōj ñan buuļ jermal im peran.¹ Iaar kōņaan bwe in āinwōt in, innām iaar jeiki juon leta ñan leddik in im kaņool kōn tallep in Kabuñ in im kōn iakwe eo aō ñan Bok in Mormon. Raan eo juon laar likūti juon kape in Bok in Mormon, ippān leta eo aō, ñan ilowaan pāāk eo an.

Ñan bwilōñ eo aō, eo mōtta eaar lukkuun itoklimoin ñan kọjpeļ eo. Jino in raan eo, eaar jiroñ eō kōn ta eo eaar katak ilo an ekkatak kōn Bok in Mormon. Jet wiik tokālik, laar kwaļok kadkadin ñan mijenede ro. Emōkaj, eaar bōk juon kapen jen Jetōb Kwojarjar bwe ta eo eaar katak kake ekar mool. Mijenede ro im Ña kar jañ ilo an kar jiroñ kōm kōn eñjake ko an. Eo mōtta tokālik ekar peptaij, im ro jinen im jemāņ rekar bwilōñ ñan lo oktak ko raar waļok ippān.

Ilukkuun mōņōņō bwe lkar maroñ ellā jen mijak ko aō ñan jipañ bōkļok kọjpeļ eo ñan mour eo an.

KAKEEMEMEJ

1. Lale Mary N. Cook, "Jamin, Jamin, Jamin Ebbweer!" *Liaona*, Māe 2013, 117–19.

AJRI RO

Imaroñ Erom Juon Meram ñan ro Jet

Būreejtōn Uchtdorf ar ba bwe ñan erom meram ñan ro jet, naan ko ad raikuj "erre āinwōt me-jatoto eo eokmāņāņ im eobrak kōn jouj im mool." Naan ko ad raikuj mōņōņō, mool, im jouj. Ta eo komaroñ kōmņane ak ba ñan erom juon meram ñan ro jet? Komaroñ jeje ilo jōnōōl eo am ļaļem men ko remņaan kwoj ļōmņak in ba ñan ro uwaan baamļe eo amļ ak ro mōttam.



Oktak tok n̄an Irooj

Lukkuun ekkatak kein katak in im, n̄e ekkar, kōnono kake ippān kōrā ro jeim ak jatim kwoj loḷok. Kōjērbal kajjitōk ko n̄an jipaṅ eok kōkkajoorḷok kōrā ro jeim im jatim, im n̄an kōmḡman bwe Doulul eo an Kōrā en m̄ōttan eo emourur an mour eo am make. N̄an meḷeḷe ko relḷapḷok, etal n̄an reliefsociety.lds.org.

Tōmak, Baamḷe, Deor

Sister ro rekāāl an Kabuṅ in—
 Ekoba jiroṅ ro rej deloṅe Doulul an Kōrā, sister ro rej jeḷaaktok n̄an makūtkūt ko, im rioktak ro rekāāl—
 aikuji rejtake eo im jemjerā eo an rikaki in loḷok ro an kōrā. “Bōk kuṅaan eo an membōr elukkuun aorōk n̄an dāpij rioktak eo im ilo bōktok membōr ro rejeniknik tok n̄an kajoor,” Elder M. Russell Ballard an Doulul eo an Joṅoulruo Riji-lōk ro eaar ba. “Dāpij ettōṅak eo bwe Doulul eo an Kōrā . . . emaroṅ erom[juon] iaan wāween [ko] jemjerā eo ekajoor epād ippād ilo Kabuṅ in. Mōkaj pukōtḷok ro kar katakin er im bar kōrḡltok er, im karuwaineneik er tok n̄an Kabuṅ in kōn doulul eo am.¹

Āinwōt membōr in Doulul eo an Kōrā, jemaroṅ jipaṅ membōr ro rekāāl katak tōmak ko an Kabuṅ in, āinwōt:

- Kwaḷok juon kōnono.
- Kwaḷok naan in kaḡool.
- Mour kōn kien jitḷok.
- Kōḷḷā juon m̄ōttan joṅoul im jortak ko jet.
- Bōk kuṅaam ilo jērbal in menmenbwij an baamḷe.
- Kōmḡmane peptaij ko im kapen ko n̄an ro jibweer im jimmaer remej.

“Ebōk ro m̄ōttam rekajoor pād n̄an kōmḡmane bwe membōr ro rekāāl ren eṅjake aenōmḡman im ruwainene ilo imōn jar eo,” Elder Ballard eaar ba.² Aolepād waj, ak elaptata rikaki in lolok ko an kōrā, ewōr eddo ko raorōk n̄an ejaake jemjerā ko ippān membōr ro rekāāl āinwōt juon wāween n̄an jipaṅ er erom “oktak tok n̄an Irooj” (Alma 23:6).

Jān Jeje ko Rekwojarjar

2 Nipai 31:19–20; Moronai 6:4

Jān Bwebwenato eo Ad

“Kōn ḷapḷok in oran eo an rioktak ro,” būreejtōn Gordon B. Hinckley (1910–2008) eaar ba, “jej aikuj kōmḡmane juon kijejeto eo ekanooj ḷap n̄an jipaṅ er ilo aer pukōt iaḷ eo aer. Kajjojo iaer reai-kuj jilu men ko: juon m̄ōttan, juon eddo, im naajdrik er kōn ‘naan emḡman an Anij’ (Moronai 6:4).”³

Rūkaki in loḷok ro an kōrā rej pād ilo juon jekjek n̄an jipaṅ ro rej mije er. Jemjerā emakijkij an itok mokta, āinwōt an bar walok n̄an juon jiroṅ ilo Doulul eo an Kōrā eo ekar rikaki in loḷok an sister eo erūtto. Eruḡwij aer kalek juon

jemjerā mae iien rej jērbale turājet im turājet eo juon ilo juon būro-jāāk in karreo. Rej erom mōtta, im ilo aer kōnnaan kōn Ennaan in Loḷok eo an Kōrā, er jimor rej rūt-toḷok kake kōn “naan eo emḡman an Anij.”

Būreejtōn Joseph Fielding Smith (1876–1972) eaar ba bwe Doulul eo an Kōrā “ej mōttan eo eaorōk an aelōn an Anij ion laḷ in im . . . jipaṅ membōr ro an n̄an bōk mour indeeo ilo aelōn in kiiṅ eo an Jemed.”⁴

KAKEEMEMEJ KO

1. M. Russell Ballard, “Members Are the Key,” *Liaona*, Jebtōmḡba 2000, 18.
2. M. Russell Ballard, *Liaona*, Jebtōmḡba. 2000, 17.
3. Gordon B. Hinckley, “Aolep Rioktak Raorō,” *Liaona*, Pāp. 1999, 9.
4. Joseph Fielding Smith, ilo *Daughters in My Kingdom: The History and Work of Relief Society* (2011), 97.

Ta Eo Imaroṅ Kōmḡmane?

1. Ij ke jar kōn eo mōtta im kajjitōk bwe Jetōb en maroṅ tel kōj ilo ad kwalok n̄an sister ro jeid im jatid?

2. Ilo wāween ta ko jej jērbali n̄an kajjojo sister ro jej lale er bwe en maroṅ jeḷā bwe jej ḡool in kea kake er?